

Cristian del doi,
 L'è un cēca poi,
 Ch'a s' vada ampò stermè ant i coi,
 Empiomie 'l cul d' bora, o *bien*,
 Mandomlo a la malora.
Vous, etc.

An conclusion

A l' ha nen d' bon,
 Salvand ch'a l' è un gran ciaciaron;
 A l' ha nen mach d' ganassa, o *bien*,
 Soa lenga 'l cul a n' pnassa.
Vous m'entenderez bien.

Dialogo d'un Medico e Marion,
 che pare inferma.

CANZONE XLI.

Dis un poch, Marion, cos' astu,
 Ch' i t' ses tant contrafaita?
 Povrinna! i t' ses mai staita
 D' un sì cativ color.
 Oh s' i t' voleisse pietè
 La curiosità d' specete,
 Sì sì ch' i t' avrie por!
 Sburdive pa, sgnor Medich,
 Mi n' eu pa nen pagura
 D' andè a là sepoltura
 Tant dunna e facilment;
 A l' è pa ancor un' ora
 Ch' j' eu dait così pr dmora
 Marlait da molè ai dent.
 E cosa mai saralo
 Ch' i t' as mangià d' contrari?
 A l' è pa to ordinari

Trovete cosi an cativ stat;
 J'elo forse quaich empiura
 D'roba indigesta e dura?
 Dislo pur ciair e nat.
 J'eu mangià una supëta,
 Ai n'era una bagatela
 Faita ant una scudela
 Larga com' un crivel;
 E una dosenna d'grue,
 E vint miche cornue
 Ansem a un quart d'vitel.
 Che bela bagatlinna!
 J'elo pi nen d'aggiunta?
 Va pur disend, e conta
 Ch' i scoto atentament;
 Tra tant i peus buteme
 Astà ansisi pr pieme
 Coust pcit divertiment.
 Peui trant' e singh sautisse
 Con set salam d' testa,
 Ch' a l'è una cosa onesta
 Pr fè una colassion;
 Con ses galinne nanne
 E des baravantanne,
 Un rost e doi giambon.
 Sossi l'è pro quaicosa
 Ch' a merita la penna
 Pr fè ch' un Medich a venna
 Senti sta novità;
 Cousta l'è una maladia,
 Ch' i peus di ch' la paria
 A m'è mai capità.
 Lasseme di, sgnor Medich,
 A j'è ancor d' altra roba,
 J'eu mangià un dindo a la doba,

Un' oca e un bel gingot,
 Con un mes rub d'anguila,
 E tut loli pr dila,
 M'ha gnanch tocà 'l gariot.

A s' peul pro ancora vive
 Con sta poca comedia
 Pr nen patì l'inedia,
 E gnanch j' strangojon;
 Na colassion paria
 A m' par ch' a serviria
 Poch manch ch' a 'n batajon.

A j' è ancora quaicosëta,
 Ch' a l' è una forma antera
 D' una bonna gruvera,
 Tre tome e doi strachin;
 E peui cosi pr rie
 J' avrai bevù tre sie
 E cinquanta pinte d' vin.

Mi seu pa cosa i m' dia,
 Che dona dlicadinna!
 T' smie una cardlinna
 E d' boca e d' complexion;
 Com' fastu mai, povrassa,
 A mantni tanta grassa
 Su j' anche e sui rognon?

A j' è peui ancor la fruta,
 Ma venta gnanchi contela.
 J' eu mangià una corbela
 Pienna d' pom verdas;
 Vint lire d' rasarole,
 E quindes d' sorbe mole,
 Disdeut mas d' ramolas.

Da cousta maladia
 Ai va pr fete armëte
 Almanch un sach d' brochëte

Ficà ant un lavativ;
 Trant' e ses lire d' mana,
 Mes rub d' epicoquana,
 Loli l' è pa cativ.

Il Cieco mendicante.

CANZONE XLII.

O mi pover borgno!
 Chi na vad virand
 Tut quant 'l di a taston
 Con me baston,
 E ciamand da cà pr cà
 La ca ca carità.

I na treuvo con gran stent,
 Prchè a j' è d' certa gent
 Ant. coust mond,
 Pr parlè ariond,
 D' una gran tenacità
 Pr fè d' ca ca carità.

A faran sauté ant un past
 La borica con 'l bast,
 E mi a l' us
 A fè 'l tabus
 I na sento apenna 'l fià,
 Oh che ca ca carità!

Na daran pi prest ai can,
 Ma 'l pover orbo ciama an van;
 Esclamand
 E sospirand,
 Ch' a l' an dait una stiltà
 A la ca ca carità.